

● 布 告

袁大總統致奉天吉林黑龍江直隸山東山西河南熱河察哈爾官紳電

南省自民軍起義後原有行政長官不顧大局遂先遠颺以致屬僚星散地方無主秩序全亂土匪蜂起閭閻大受蹂躪迨設法安集而士民身家已遭塗炭東北各省官紳贊同共和保守行政機關輔助維持故四民相安地方完全保全之大非止個人之身家現共和一致尤宜官民協力共謀國利民福斷不可稍爭權利致生嫌隙如因私見先自擾亂害及同胞詎爲共和之本旨將爲中外所詬笑仁人智士必不出此倘官紳齟齬多所牽掣致政令不行治安不保不但非本省之福且與民國前途大有影響賢達士紳顧全桑梓想能共見此義至官長受中央委任如有不治輿情或不勝職任者俟統一政府成立必另訂官制官規擇賢任使力求治理茲當過渡之時不得不以因爲革先保現狀決非有所私袒但求地方生靈免被荼毒耳區區此心可質天日繼此以往建設方新萬端待理深患人才之不足懷才待用之士斷無沈埋之理其有激烈之士仍望明達長官老成紳士諄詳勸解共保和平卽爲恪盡國民義務鄙人有厚望焉新舉臨時大總統袁世凱漾

電報

南京浙軍司令朱瑞等來電 陽歷二月二十四日即壬子正月初七日

袁大總統南北軍隊統一聯合會及各省都督各報館均鑒自民軍起義以來犧牲生命財產不可勝數蓋爲全國謀幸福非爲個人爭權利故不惜破壞一切重行建設不料宣布共和以來已逾旬日因爭持臨時政府地點以至統治機關不能成立對內對外危險異常言念及此中心如焚瑞等睹瘡痍滿目險象環生用敢披肝瀝胆直言布告誓以國利民福爲前提捍禦外侮鎮撫內亂以盡軍人天職至統一政府暫設地點若就現勢外交經濟地理歷史種種關係言之自以參議院第一次議決之案爲適當管見所及謹電奉聞浙軍司令朱瑞粵軍司令姚雨平第一軍團長柏文蔚光復軍司令李燮和第七師長洪承點江北都督蔣雁行鄂軍代表傅人傑李正溶自南京聯軍參謀團同叩

臨時公報

陽歷二月廿六日即壬子正月初九日

附錄

滿蒙漢二十四旗都統和碩親王那彥圖等上袁大總統呈 辛亥年十二月三十日

爲合詞籲懇事竊維本月二十五日 明詔議訂條件宣布共和自茲以往我 兩宮得以恭己無爲永享國民優禮我八旗士庶亦得以安居樂業融洽無嫌推原締造之功實賴幹旋之力我公爲羣生所託命薄海所景從威德並隆世罕儔匹不獨全國政權非公莫屬抑且五大族國民撫綏奠定實永賴焉今茲舉國歡迎朔南罔間推公爲臨時大總統我二十四旗無量欽忭咸表同情惟聞南中議會以組織臨時政府地點請公南赴江表受任竊以爲燕京棺槨已歷三朝使節迴翔機關完備且北控蒙方東瞰遼左幅員廣漠以方里計較內地各行省廣袤過之現正疑懼未泯猜虞疊起非得大總統駐鎮幽燕無以控馭頃爲全國謀統一無論臨時永久必以因仍舊貫爲宜矧北省軍民及我八旗士庶皆仰公如慈母一日不可暫離諒公亦斷不忍委之他去惟望遠觀大局近順輿情定議在北京設立臨時政府以保北方秩序卽以策全國治安不勝翹企待命之至滿蒙漢二十四旗都統和碩親王那彥圖和碩禮親王世鐸多羅順承郡王訥赫蘇和碩睿親王魁斌奎俊一等承恩公桂祥輔國公博迪蘇增崇景豐增祺繼祿芬車固山貝子載振壽蔭張德彝多羅貝勒載瀛多羅貝勒載澗成章色楞額博多勒噶台親王阿穆爾靈圭恩存奎順明啟副都統英信三等承恩公志鈞秀吉伊克坦兜欽毓秀文年敬昌貝子棍布扎布吉陞豐深訥欽泰瑞啟文璞景麟一等忠勇公松椿景厚公

陽歷二月廿六日即壬子正月初九日

爵達賚依凌阿祺誠武常山成安都凌阿卓凌阿一等誠嘉毅勇公麟光鎮國公載搜松壽額勒春良泰占鳳率領二十四旗官弁兵丁並和碩莊親王載功三等承恩公珠爾杭阿武毅謀勇公德壽一等繼勇侯世榕前古城城守尉雙林頭等侍衛都林頭等侍衛烏拉喜春甘肅甯夏道志崇公呈

順天府府尹丁乃揚代表二十四屬官吏紳民上袁大總統呈

陽歷二月二十三日即壬子正月初六日

爲據情呈請事竊據順屬二十四州縣官吏各界團體紳民呈稱竊自數千年專制政體一躍而遽躋共和保皇室之安全免生靈塗炭非特同胞之幸福實爲歷史之光榮全國紳民推袁公爲臨時大總統足見豐功偉業薄海同欽遣大投艱非袁公莫屬惟近聞袁公有謙遜之言赴甯之舉官紳等近鄰邦圻有密切之關係聽聞此言不勝惶恐謹推尹堂爲二十四屬官吏紳民代表懇請袁公早膺重任駐節都城大展鴻猷鞏固新中華基礎實爲兆民無量幸福等情前來伏乞俯鑒羣誠奠安都邑不勝翹企盼禱之至謹呈

裁缺吏部主事范寶昌余寶齡等上袁大總統呈

呈爲共和甫經成立國都萬不可遷散陳管窺仰祈鈞鑒事竊自上年八月武漢事起東南各省雲捲風馳同時響應戎馬所至村落爲墟塗炭生靈慘不忍覩我軍人拚幾許生命我商民破幾許財產我大總統費幾許經營始得造成共和剷除專制從此干戈永息同享太平此皆

我四萬萬同胞日夜所馨香禱祝者也當此之時正宜培已傷之元氣定不拔之始基俾人民各安生業不致轉徙流離驚惶無定越王勾踐所謂十年生聚十年教訓者其卽此之時乎惟等體察京中近日情形共和之詔雖頒而人心猶未大定揣厥由來祇以南省人民咸有遷都南京之謠風聲所播以致民心驚恐惶惑不甯等竊以爲南方之議未免囿於一隅特未合五大族形勢地勢而統籌之也等固不敢獨出己見立異以鳴高尤不敢附和隨聲依違於兩可竊嘗綜觀大勢愚以爲如果遷都南京其不便有四敢爲縷細陳之考之歷代建都地點大抵在黃河流域西北者多在長江流域東南者少如唐之都關中宋之都汴梁元之都燕京比比皆是祇有明開國之初建都金陵尋復遷都於北地卽滿洲入關定鼎亦未嘗舍此之他誠以西北寥廓實倍徙於東南非北京不足以控制也況現在鐵路交通北京形勢尤爲優勝左有京奉東可以直達奉天右有京漢西可以直抵漢口四通八達無往不利卽蒙藏之來朝多年亦未聞有稱不便者是控制西北俯視東南北京實爲中心地點若一旦遷都南京不但北京一處變繁富爲荒涼京奉京漢兩路同歸無用卽天津營口以及東北一帶各大商埠亦同時銷滅是遷移不過一都而牽連實及數省此形勢上之不便者一也京師自庚子亂後商民元氣至今未復近年來始略見起色上年陡遭武漢之變商民復大受影響四月以來啼饑號寒者有之死於溝壑者亦有之其強而有力者皆已遠徙他方其困苦無告束手待斃者正不知有凡幾況以數百年締造之都城商民經營之財產奚啻億萬一旦委而去之其爲動

陽曆二月廿六日即壬子正月初九日

產可以遷移者尙可移之以去其不動產又將何以移之乎是商民財產破於戰地者半破於遷都者亦半試問吾國近年來民間之財力尙有幾何顧可令其損失而不加體恤乎是北京未享共和之福先受共和之害則共和不轉爲世界詬病乎此商民上之不便者二也近年各省財政羅掘俱窮司度支者每謂庫空如洗今則殆有甚焉武漢事起兩軍用款不下數千萬財政困難實已達於極點若議遷都勢必大興土木倉庫衙署無一不須建造卽無一不須款項撙節動用亦須數百萬兩試問今日尙有此財力大興土木否不待智者而知其不可也縱云有洋債可借不難立致而各省善後需款尙多況國家多用一分民財卽國民多擔一分責任剝肉補瘡利害顯著上年因京師金融停滯寶昌條陳內曾有請設中央保商銀行之議正以京都財力艱窘亟思設法維持至今尙未蒙實行詎謂今日之財力竟可以遷都有餘乎此財政上之不便者三也各國自成同互市以來專使皆駐京城卽各國君主亦咸認北京爲國際交涉之地點今若驟議遷都無論其不肯承認卽使全行認可國都一旦南遷而各國洋商大賈之在京津貿易者其損失必不在少且恐因此又生出損害賠償之交涉是遷都之費有限而賠償之費轉多此外外交上之不便者四也此四者之中尤以二三兩項爲最重蓋以當今時局宜極力保全不宜再事破壞宜熟權輕重不宜囿於一偏想我大總統胞與爲懷斷不忍使北京人民再受無形之損害致令共和美政轉貽口實於人民惟望大總統堅持定見勿爲所移北京幸甚大局幸甚是否有當伏候鈞裁謹呈

齊齊哈爾宋撫台來電 陽歷二月二十四日即壬子正月初七日

北京袁大總統南京孫總統武昌黎副總統各省督撫都督諮議局北京蒙古王公聯合會鑒接蘇州莊都督來電據民國聯合會等暨報界公電力持建都北京等情讀之不勝欣幸方今南北一家畛域悉化自宜統籌全國大勢擇利而行該會等所議公允切當實於民國前途大有關係務祈合力贊同從速決定以維大局是爲至禱宋小濂率同各界人等叩叩禱

齊齊哈爾宋撫台率同江省各界公舉袁大總統電 陽歷二月二十三日即壬子正月初六日

效電敬悉大局糜爛賴我公百方補救始得上存皇室下奠民生孤詣苦心人人共見故合南北軍民及滿蒙回藏海外華僑各團體無不以大總統之任非公莫屬國是雖定時勢方艱仍懇我公力任其難以保存我統一完全中國不勝禱叩江省自共和決定後凡有布告各界無不歡騰現在地方安謐如常祈紓廛念小濂率各界人等同叩箇

陝西旅京職官薛寶辰等上袁大總統呈

具呈陝西旅京職官薛寶辰余寶齡薛秉壬張立德路孝值藍文錦李如棠何毓楠李棠岳峻張明善余寶憲何業健張繼信余寶滋謝恩綬鍾隆鑑張攀第毛樹霖艾光顯桂毓松楊步瀛楊宗漢徐友蕃柳振元殷德懿旅京學生桂毓霍陳廷璧吳子傑劉慎銓謝鈞張光烈李瑞麟張開璜張開璣張開詔封象鼎王寶蕃新作楨容儒張繼銘段大經段大成霍慎封楊子幹楊

陽曆二月廿六日即壬子正月初九日

秀峯安兆鼎董永清李煥唐劉在德高尙志陳綱易衛屈士奇何益謙余世鎮謝寶英王金章
旅京陝西回教職官馬文兆馬肇敏陳永祥馬俊英馬步彥馬生林馬起雲丁義屏馬福魁馬
世元馬兆祥馬兆春李廷玉馬長安馬長海馬廷劉慶雲馬文成等爲呈請事共和政體業經
宣布五族公同認可從此永息干戈以謀國利民福非我公鼎力幹旋曷克臻此國民全體同
深感戴惟臨時統一南北政府大總統一席於中華民國前途關係極重尤非有碩德峻望宏
才偉略如我公者不能膺此艱鉅惟求俯從衆請力任其難以慰天下之望寶辰等查陝西地
方自開兵燹塗炭最烈至今晉信梗阻尙未得和平消息並懇我公從速拯民水火俾克同享
太平之福全陝之幸實爲大局之幸尤有請者此次合五大民族組織共和政體首都地點仍
以北京最爲適宜蓋海陸交通形勝既屬便利滿蒙一氣聲勢較易聯絡且北方之幅員既固
內地之利益尤多此時實有不可動搖者況民國初建圖計宜長將來爭雄海上尤須以渤海
一隅取高屋建瓴之勢伏乞垂察決計都北庶幾萬里藩籬金湯鞏固不獨宮室衙署僅爲目
前財政計也理合聯名具呈不勝迫切待命之至謹呈

上海燕趙共和團辛葆真代表全體致袁大總統電

六日

陽曆二月二十三日即壬子正月初

公以一人安天下板蕩弭中外兵戈合五族而建設中華共和之新大民國峻億靈威曠絕寰
宇羣生自由天下同慶敝團用深感戴三呼萬歲惟燕趙民軍未及振旅從前稅政諸待掃除

況臨時政府必設於北不先革除舊治實行共和奚以昭信萬方收拾全局恭祈睿哲明斷立
行以風天下幸甚燕趙共和聞辛葆真代表全體叩歌

奉天諮議局致袁大總統電 陽歷二月二十三日即壬子正月初六日

共和後全國一家何分南北乃聞南京參議院議決建都北京竟有駁令覆議者以現在大勢
就種種方面論均無捨北就南之理此事本無待於研究除電參議院力爭外謹電陳奉天諮
議局叩

新民軍界潘矩楹等聯名慶賀袁大總統電 陽歷二月二十四日即壬子正月初七日

承准軍事參議處交涉參議銑電恭悉我公由參議院舉爲臨時大總統民國大定選舉得人
係數千年初創之新基造四百兆人民之幸福中華統一咸與維新居東軍人合忱叩賀潘矩
楹聶汝清張作霖馮麟閣馬龍溧吳俊陴吳慶桐率各軍官佐同叩漾

香港鄧華熙張振勳等慶賀袁大總統電 陽歷二月二十四日即壬子正月初七日

閱報知參議院舉明公爲總統無任欣忭專電肅賀鄧華熙張振勳易學清吳道鎔李幹芬陳
如岳江孔殷賴際熙何作照許應鎔梁知鑑盧乃潼梁肇修羅光廷汪兆銓龍景愷潘寶珩黃
葆熙朱不疇馮應楷孔昭錕梁士訐黎廷桂區樹棠梁慶樞江清華吳應楷梁致祥鄧善霖許
玉堂章果史悠頤周起鳳馬鑾光黃世珍甘錫章曾新虛寶彝羅豫濬商廷康許炳成李銘恩
陳汝侯譚頤年梁瀾勳陳簡芳潘恩榮梁慶榮方啓華黃福元韓日華

陽歷二月廿六日即壬子正月初九日

北京耶穌教中華教牧陳恒德等上袁大總統呈

陽歷二月二十三日即壬子正月廿六日

呈爲特開教界慶祝共和會恭請蒞會並賜教言事竊念武漢發難以來大局岌岌乎不可終日我公以造勢英才獨支危局上下內外賴之以得安全南北則玉帛相見漢滿亦有口皆碑此次之險化爲夷危轉爲安者皆我公之賜也今者專制之桎梏卽脫共和之光明初放教會同人等發於忠愛之誠公擬於二月二十六日即壬子正月初九日下午二句鐘在崇文門內孝順胡同教堂內特開慶祝共和會恭請大總統屆時蒞會並錫以訓言以仰德輝而鑒雅誨教牧等職司傳教未諳政治而一片愛敬祖國之心及感戴我公之念未敢安於緘默自外生成惟望全能上帝以其鴻福厚惠渥沛我新民國賦畀我大總統是則教牧等所切望而禱祝者也所有特開慶祝共和會恭請蒞會並賜言一節冒昧瀆懇是否有當祇候鈞裁爲此謹呈代表人美以美會陳恒德公理教會李本源長老教會谷若虛倫敦教會誠靜怡公呈

怡朗華僑代表葉昭明暨中華學堂全體慶賀袁大總統電

陽歷二月二十四日即壬子

正月初七日

共和成立僑衆歡騰我公爲民請命厥功實偉還望力任艱鉅以維大局而慰海內外望治之殷怡朗華僑代表葉昭明暨中華學堂全體公叩

漢城馬領事廷亮慶賀袁大總統電

陽歷二月二十二日即壬子正月初五日

欣聞南京及旗蒙均舉公爲大總統馬廷亮率館員稟